



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 53. Lotharius Romæ Jus dicit.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. Illico mittitur Quirinus Subdiaconus, qui  
A. C. 824. Eugenii Ordinationem Ludovico Imperatori nunciaret. Is Lotharium filium suum iterum Romam mittere statuit, ut suo nomine cum novo Papa & Populo Romano necessaria Reipublicæ negotia componeret.

## §. LIII.

*Lotharius Romæ Jus dicit.*

*Coint. an.*  
 824. n. 10.  
*Astron.*

Lotharius in hoc itinere comitem habuit Hilduinum S. Dionysii Abbatem & Archicapellatum. Ubi Romam pervenit, convocata Concione conquestus est, quod ex illis, qui Imperatori parenti suo & Francis Fidem servassent, aliqui per nefas interfecti fuissent, & alii contemptui haberentur. Quæsit, cur querelæ contra Pontifices & Civitatis Romanæ Judices moverentur, & cum patuisset, multos fundos tum Judicum avaritia tum Paparum oscitantia inique fuisse Fisco addictos, præcepit, ut restituerentur. Consensit Eugenius Papa hilari animo, applaudente toto populo Romano.

Inter illos, qui Tribunal Lotharii adierunt, fuit Ingoaldus Abbas Farvensis ex Territorio Sabinorum. Is querebatur, quod oppressa Monasterii sui libertate Papæ tributum a se exegissent, & aliquos fundos vi adhibita eripuissent.

In accusationis hujus argumentum pro-  
tulit veteres litteras Regum Longobar-  
dorum, qui Monasterii sui tutelam in se  
susceperant; item Confirmationem Ca-  
roli Magni & Ludovici Filii ipsius, in qua  
prohibebatur, ne quicumque demum, Pa-  
pa, Episcopus, Dux, aut Optimatum a-  
liquis, huic Monasterio tributum impe-  
ret, aut quidquam de Bonis subtrahat.  
Lotharius Imperator, his litteris inspe-  
ctis, cum Proceribus tum Francis tum  
Romanis judicavit, earum auctoritatem  
oportere esse salvam, jussitque, nulla ex-  
cusatione admissa, ut Bona Monasterio  
Farvensi subtracta restituerentur.

Ut rata & firma essent hæc Decreta  
& futuris temporibus consuleretur, Lo-  
tharius edidit Constitutionem, in Basili-  
ca S. Petri promulgatam, quæ novem  
complectitur Articulos: *Nemo, nisi pe-*  
*riculum vitæ incurrere velit, illos læde-*  
*re audeat, quos Dominus Apostolicus vel*  
*nos speciatim defendendos susceperimus.*

*Decernimus, ut Domino Apostolico in*  
*omnibus justa servetur obedientia seu*  
*Ducibus & Judicibus ejus ad Justi-*  
*tiam administrandam. Deprædationes*  
*pristini temporis neque vivente Ponti-*  
*fice neque defuncto ullatenus tolerentur.*

*In Electione Romani Pontificis nullus*  
*sive Liber sive Servus aliquod impedi-*

*Hist. Eccles. Tom. XI. L men-*

Sæculum IX.  
A. C. 824.

To. 2. Cap.  
p. 18.

c. 1.

Lotharius  
Romæ.

c. 2.

Sæculum IX. A. C. 824. *mentum ponere præsumat. Sed illi solummodo Romani, quibus antiquitus Constitutione Sanctorum Patrum concessum est, sibi eligant Pontificem. Volumus etiam ut Delegati constituantur a Domino Apostolico & a nobis, qui singulis anni nobis deferant, qua ratione Duces & Judices Jus populo dicant, & nostra Constitutio servetur. Decernimus itaque, ut omnes clamores contra concordiam Ducum aut Judicum primum ad notitiam Domni Apostolici deferantur, ut statim aut ipse per suos Nuncios juvet, aut nobis indicet, quomodo remedium afferre valeamus. Volumus etiam ut omnes, sive ex Senatu sint sive ex populo, interrogentur, sub qua lege vivere velint, ut secundum eam legem, quam profitebuntur, Auctoritate Domni Pontificis & Nostra judicentur. Nimirum aliqui legibus Romanorum, alii Longobardorum vivebant. Postea in illa Constitutione legimus: Placuit etiam nobis, ut cuncti Duces & Judices, sive alii, qui ceteris præesse debent, in conspectum nostrum, dum Romæ sumus, veniant. Volumus enim & numerum & nomina scire, & singulos de ministerio sibi credito admonere. Tandem Auctoritatem Imperatoris Auctoritati Papæ conjunctam in hac Constitutione ubique videmus.*

*cont. Paul.  
Diac. Capit.  
to. I. p. 647.*

demus. Summa Imperatoris potestas in ea clare deprehenditur sicut etiam in formula juramenti, quod Lotharius a Romanis præstari præcepit, cujus summa talis erat: *Promitto, me fidelem fore Imperatoribus Ludovico & Lotbario, salva Fide quam Papæ promisi. Non consentiam, ut aliquis Papa, nisi Canonice eligatur, neque ut Papa electus consecretur, priusquam præsentem Mandatario Imperatoris ejusmodi juramentum, quale Eugenius Papa scripto edidit, pronunciaverit.*

Sæculum IX.  
A. C. 824.

## §. LIV.

*Visio Wetini.*

Eodem anno octingentesimo vigesimo quarto e vivis excessit Wetinus seu Guetinus Monachus Augiæ divitis in Diœcesi Constantiensi, fuitque hujus viri obitus ex adjunctis plane singularibus memorabilis. Septem artibus liberalibus imbutus Magistri munus in illo Monasterio non sine laude obibat. Cum vigesima nona Octobris ægotaret, lectulo se dedit, & somnio perterritus, rogavit sibi prælegi ultimum librum Dialogorum S. Gregorii, ubi plures mortuorum apparitiones refert, & de statu animæ post hanc vitam agit. Post

Art. SS. B.  
to. 5. p. 265.